



19.november 2020

UKA2020/79

Nipilersortartut immiussinissamut aningaasartuutaannut 10.000 kr. tikillugu tapiissummik misiliutaasumik 2021-miit augustip aallaqqaataani atuutilersussamik Naalackersuisut pilersitseqqullugit Inatsisartut aalajangiiffissaattut siunnersuut. Katillugu ukiut marluk ingerlaneranni 300.000 kr.-nik aningaasalerneqassaaq, Nunatsinni nipilersukkanik saqqummersitsisarnerup siuarsarnissaanik siunertalimmik. Misilittagaalersimasut nalilersuinissamut atorneqassapput avammut tunisassiornikkut kiisalu eqqumiitsuliornikkut siuariarsimanermit sunniuteqarsimarnersut.(Inatsisartunut ilaasortaq Aqqalu C. Jerimiassen, Atassut)

Siunnersuuteqartoq misiliuteqartitsiumavoq inummut ataatsimut nipilersortartumut immiussinierani 10.000 kr tikillugu tapiissuteqartitsisalernissamut.

Siullertut isumaqatiginngilarput misiliuteqarnermik toqqammaveqarluni nunatta aningaasaliisarnini ingerlatissagai. Aamma isumaqatiginngilarput siunnersuuteqartoq oqarmat maannakkut nipilersortartut tapiiffiqineqarsinnaanerannut tunngatillugu periarfissaqanngitsut. Naalackersuisut erseqqissaassutigaat kommunalbestyrelse tassaasoq Eqqumiitsuliornermik ingerlatsineq pillugu inatsit nr. 11, 6. juni 2016-meersoq naapertorlugu malittarisassatigut tapiissuteqarsinnaapput.

Naalackersuisut nalunaarutikkut erseqqissaassuteqarsinnaapput aammalu qanoq tamanna atortariaqarneranut sinaakkusersuisinnaallutik.

Siunnersuuteqartup aningaasaliinissamut annertussusiliineranut apeqqusiivugut, sunarpiaq peqqutigalugu kisitsit taanna taaneqarnerseq erseqqissaassutitaqartariaqarsoringatsigu, kisiannili paasinnippugut nipilersortartunut immiussiniernerminni maannakkut nunarsuarmioqatigiinnut apakaanniarunik internet aqqutigalugu immiussamik saqqummertariaqarneranik piumasaqataateqaraluttuarneq piummat aammalu immiussat nunarsuarmioqatigiinni unammillersinnaanermit naapertuuttut anngummaffiginiarutsigit pitsaassuseq qaffasissuq avaqqunneqarsinnaanngilaq. Tas-suuna paasinnippugut.

Isumaqarpugut nipilersortartunut tamanut immiussiartunut taamatut aqqissuussisinnaanngitugut kisiannili isumaqarpugut immikkut piumasaqaatitalinnik profiusumik ingerlaniartunut tunuliaqtaasariaqartugut, tamannalu isumarput naapertorlugu inatsisartut inatsisaatigut allannguteqartoqarsinnaasariaqartoq toqqartumik taakkununga sammititamik iliuuseqartoqarsinnaalersillugu tamannalu naalackersuisut nalunaarutaatigut allanngortinneqarsinnaasoq.

Nunatta Qitornai

Inatsisartuni



Taamaammat siunnersuut ataatsimiititaliamit nalilersorluarneqarnissaanik inassuteqarluta siunnersuuteqartumut qujavugut.